

YMA thiltum: 1. Hunawl hman that. 2. Zofate hmasawna ngaihtuah. 3. Kristian nun dan tha ngaihsan								
Vol. 43	Issue No. 27	Ramhlun North: Ni 05 July, 2025						
 BRANCH THU THAR ■ July thla Khawhar in hruaitu turte Leader : Pu David Lalrinzuala Asst. Leader : Tv. Lalrinpuia OB Incharge : Pu Biakchungnunga 1. Pu Lalmalsawma Sailo 2. Pu K. Lalruatkima 3. Pu C. Lalremruatfela 4. Pu R. Lalrinliana 5. Nl. V. Lalruatkimi ■ Ni 11.07.2025 (Zirtawpni) hian Branch Executive Committee a thu dawn a, thu theh luh duh nei te chuan a thehlhuh theih e. Tin, ECM te pawh remchang lo insiam turin kan inngen e. ■ MHIP Ramhlun North Branch atangin thlan laihna Rs. 10000 lai kan dawng a, an chungah lawmthu kan sawi e. ■ Urban Health & Wellness Centre, Ramhlun North-ah YMA thutthleng sei (bench) 12 pek a ni.	PPP MODE SANITATION COMMITTEE (Bawlhhlawh Paih hna kalpui chhunzawm zel a ni) Ramhlun North, the 05th July, 2025: PPP Mode Sanitation Committee ruahmanna in veng chhungah bawlhhlawh paih hna kalpui chhunzawm zel a ni a, committee-in ruahmanna a siam ang angte tha taka kan zawm thin a vangin hma pawh kan sawn ve hret hret zel ni a hriat a ni. Motor lian MMV(Tripper) 2 leh LMV(Pick-up) 2 hmangin bawlhhlawh paih hi kalpui chhunzawm zel a ni a, bawlhhlawh tawih thei leh tawih thei lo pawh tha taka thliar chhunzawm zel a ni bawk. Bawlhhlawh paihna a tana motor hman man hi AMC-in za a sawmruk a tum a, a bak za a sawmli chu mipui thawhlawm a tanga pek thin a ni. Bawlhhlawh paihna a tana motor hman man hi a sang hle a, mipui thawhlawmin min daih meuh loh chang pawh a awm lek lek thin. Chhungkaw tam zawkin kum khatah Rs. 700/- zel bawlhhlawh paih man hi kan tum thin a, thla khatah Rs. 58.3/- ni khatah Rs. 1.9/-zel bawlhhlawh paihna atan hian chhungtinin kan thawh tihna a ni. PPP Mode hmanga bawlhhlawh paih kalpui mek AMC area huamchhunga veng hrang hrang zingah bawlhhlawh paih man thawh tam lo ber zing ami kan ni a, veng thenawmte leh veng tam ber chuan thla khatah Rs 100/- aia tlem chawi an awm tawh meuh lo a ni. Hetih mek lai hian sum seng tam lo zawnga kan la kal thei hram hram erawh a lawmawm hle. Hmasawn kan tum zel turah ngai ila, faina a tan kan sum sen a lo pung ve hret a nih pawhin insenna tha tak a ni tih i hre thar theuh ang u. PPP Mode Sanitation Committee-in bawlhhlawh paih chungchanga ruahmanna a siam kalpui meka hriattur pawimawh hrang hrang te : BAWLHHLAWH PAIH MOTOR KAL HUN LEH KAL DAN Main road - Zing dar 9:00 am-ah point hmasa ber Bawngkawn South nena kan inrina atangin Indoor Stadium thleng a kal thin. College road - Zing dar 6:30 am-ah point hmasa ber Pu K. Zosangliana In bul atangin Tlaklui thleng a kal tan thin. Sihpui road - Zing dar 6:30am-ah point hmasa ber Pu P. Malsawma In bul atangin Tlaklui thleng a kal thin. Pema road, Petrol Pump hnung, K. Laihnuna road leh K. Thanzauva road - Zing dar 6:30am-ah point hmasa ber Tatkawng Tuikhur bul tangin a kal a, Diet pengah pheih tlangin Petrol Pump hnung, K. Laihnuna road leh K. Thanzauva road-ah a kal leh thin. Thawhtanni, Ningani leh Inrinniah te Sakhisih road-ah a kal thin bawk. Lalrina Sailo road, AMC road leh Local Council road - Zing dar 6:30am-ah point hmasa ber Pu L. Chhuanliana kawt atanga kalin AMC road leh Local Council road-ah te a kal thin. College road leh Sihpui road (Thawhtanni leh Ninganiah hetiang hian motor a kal thin) Zing dar 6:30am-ah Holy Child School bul atanga kalin chhim lam hawiin a kal a, Sihpui road-ah chhukin Bawngkawn lam panin a kal leh a, Tlakluiah kual let lehin MHIP Building thleng a kal thin. BAWLHHLAWH TAWIH THEI LEH TAWIH THEI LO PAIH HUN <table><tr><td>Thawhtanni - Tawih thei</td><td>Thawhlehi - Tawih thei lo</td><td>Nilaini - Tawih thei lo</td></tr><tr><td>Ningani - Tawih thei</td><td>Zirtawpni - Tawih thei lo</td><td>Inrinni - Tawih thei lo.</td></tr></table>	Thawhtanni - Tawih thei	Thawhlehi - Tawih thei lo	Nilaini - Tawih thei lo	Ningani - Tawih thei	Zirtawpni - Tawih thei lo	Inrinni - Tawih thei lo.	MHIP MHIP Ramhlun North Branch te chuan kum 2025 MHIP day hi Pathianni a nih avangin a ni hrana hmang lovin midang te tan a luanchhuahna kumah hman nise an ti a. Heng ah te hian tanpuina an pe. 1.YMA, Ramhlun North Branch -ah thlan laihna atan Rs 10,000/- 2.Urban Health and Wellness Centre Ramhlun North-ah khum leh Drip stand. 3.Dam lo/Mi harsa mi 23 te hnen ah Rs 2000/- theuh pek an ni.
Thawhtanni - Tawih thei	Thawhlehi - Tawih thei lo	Nilaini - Tawih thei lo						
Ningani - Tawih thei	Zirtawpni - Tawih thei lo	Inrinni - Tawih thei lo.						



Vengchhung Himna

Veng mipuite an him leh him loh hi a chhunga cheng mipuite kutah hian a innghat a. Mawhphurtu bik leh thawktu bik kan awm lo, kan zavaia kutah a awm a ni.

Kan pi leh pute hun lai kha chuan pasaltha hi an pawimawh em em a. Sa leh ral laka nunau venghim thei kha lalte pawhin an dah hnuai thei ngai lo. A chhan chu an tel lo chuan khawchhung mipuite an ralmuang lo va, an ralmuang lo mai ni lovin an nun a him lo a ni. Lei nei reng an ni a, lei do bakah ramsa lak atanga mipui ven him hi a pawimawh hle a ni.

Kan tun lai khawvelah chuan kan lei do hi a danglam ta a, sa leh ral mai a ni ta lo. Khawchhung mipuite him tak leh lungmuang taka an awm theih nan hmachhawn tur a tam ta hle mai. Heng rukruk leh inrawk bakah hian zu leh ruihtheih thil chi hrang hrang laka thalai, tleirawl nun venhim hi veng mipuiin kan thawh a lo ngai ta. He hnathawk tur hian a thiam bik leh a zeizia hre deuh chuan an awm mai thei. Amaherawhchu, kan zavaia kan tan tlan a ngai hle mai.

Hman atangin khawtlang venhimna kawnga sulsutu tur khawtlang hruaituten an ruat thin a. JAC etc. te kan lo din tawh thin. Anni ringawt tan chuan vengchhunga buaina leh harsatna, zu leh ruihtheih thil hi tih rem a har thin. Mipuiin kan thlawpa kan puih an ngai a ni.

Tunah pawh hian Ramhlun North khawtlang a lo thianghlina mipuite kan him tlan theih nan Joint Action Committee (JAC) hruaitu tur ruat a ni leh ta a. He mawhphurhna hi tute tan mah chakawm a ni lo. He mawhphurhnaa intahluh loh kan duh deuh vek ang. Hruaitute hian an tan chauh an thawk dawn lo. Kan khawtlang a lo thianghlim a a lo ralmuan theih nan an thawk dawn a ni. Theih tawpin i lo thawhpui ang u.



Rûng Dil chanchin sawi lan tawh hi chuan Bual Dil hi a sawi lan loh theih loh thin. He dil hi Suangpuilawn chhuah lam rama awm a ni a, Suangpuilawn leh Khawlian ram inrina ah chuan Tuivai a luang a, Tuivai lui aâng chuan Suangpuilawn khua chu tlâng kawng chho tak a ni a, chumi tlâng âwih puallawiah chuan Bual Dil chu a awm a. A lên lam chu a dung hlam 100 deuh thaw a ni a, a vang hi a zim deuh a, a zau laiah hian hlam 80 vel lai a ni a. Virmep âng hian a hmawr ve ve a zuih deuh a ni.

Pi pute sawi dân chuan Rûng dil leh Bual dil chuan huai an nei ve ve a, chu huaite chu an inkawm thin a. Tûm khat chu Rûng dil huai chuan, "Keini min rawn vât chhuak a, kan vêl kan dung kan vâng teh a, min rawn en apiang te chu ka tihlum zel ang," tiin Bual dil huai hriat chuan a sawi thin a. Mahse Bual dil huai chuan, "Ekhai, ni lah lo ve, keini min rawn têh chhuak a, min rawn ngai a, min rawn bêltute chu kan lo tidam zêl thung ang a, kan vêl min rawn vât chhuak a, lo-a min rawn neitute reng reng pawh mal ka lo sâwm anga; chutianga min rawn bêltute chuan engkim an ngah tûr a ni," a ti thung a. "Chutiang a nih hrim hrim chuan kan inngeih thei lo a nih ber chu," tiin inthen zai an rel ta a. Rûng dil chu Khawtên tlângah lawn liamin mei leh thisen in a kal ta puat puat mai a, tichuan tlâk lam Tuivawl kam chhakah a awm ta a ni.

Bual dil erawh chu ramsa tinrêng leh nungchate'n an pan khawm ve ruih ruih thin a, 'Silom Dil' âng maiin an dampui thin.

Pân dam thei lo, ran hliam leh ramsa hliam tân helai chirh hi damdawi ah an la thin a, a tha hle a ni. Pu Thanmawia pa Thangluia chu hmanlai pasaltha leh huaisena sawi a ni thin a, sa tam tak kap tawh a ni, mahse sa hliam an ûm emaw a hnu an chhui tûm emaw-a Bual Dil-a a luh hman chuan, "Umm, kan man tawh lovang, hawng ang, kan hlawhchham e," a ti thin a. Hetiang tho hian tûn hma aâng pawhin midang pawhin an ngai a. Ramsa hliam chu Bual Dil-a an thlen chuan an hliam a dam a, an man theih tawh ngai loh a ni, an ti a. Ramsa chu sawi loh ran hliam leh lung hial tawhah pawh Bual Dil lei chu an la a, an bel tawt mai ?hin a; a dam pah ngei thin a ni.

Bual Dilah hian tuifûr tlâk tan tirh a maka mak in chungu/uchang hi khawi lam aâng nge hetiang zozai tih tûr hi an puang thin a. Bual dil leh a chhehvêl ram zawng zawng aâng chuan mau kârah te chuan, Bual dil chu pan khawmin a tlehin an tleh khâwm sung sung mai a. Pharoah-a hunlaia Pathian in Mosia hmanga Aigupta rama hremna chi khat, chungu a tipuang chiam ang mai kha a ni âwm e, van aâng a lo tla ni âwm hial in an tam thin a. Chumi hun chhûng

chu fûr lai, May aâng a August thla vêl thleng hi a ni deuh ber.

Chutia inkhawmpui hman tûr ang hrim an inseh mûr tiau tuau takah chuan km 4 vela hla Suangpuilawn khua aâng chuan an hrâm ri chu a hriat theih hial a, "Bual Dil Zaipawl" an ti mai thin. Hrâm dan inang lo deuh leh ri chi hrang hrang an chhuah a, U-tûm chi phei chuan muang fân reih ruih hian 'Tûm....tûm....tûm' an ti a, a thenin 'Tlak....tluk....tlak....tluk' an tih laiin, 'Uk....uk....uk-a,' ti-a lo hrâm tâwk lah bo lo. Chu khuarêl rimawi danglam tak mai chuan, "thal awiin leltepan lenbuang a ngah" tih letling chiah mai khân, 'Fûr khawhnawm, khuangruah sûr awiin chungute'n zai an rem,' tih ve hial a mawi a nih chu!

Chungu chutiang awm khâwm ta chu an luak an tih mai te chu pawnpuì tiat tiat hian a so pawng ther thur mai a. Chumi kârah chuan an tui an phûm a. Chungu chu pali panga lai mai hi an inbawhthuah chhâwng êr ûr bawk a. A hnuah a tui chu a lo keu a, chung chungu lo sei lian te chu khawiah nge an kal tâk tih erawh chu an hre lêm lova, a vêl ram an nei h kum chuan thlâm hnuai leh thlâm bang karah te, mau kuaah te, thingluang kârah te hian an tawm fer fûr châng a awm a.

Chutiang taka namen lova chungu tam mang khèng, sawt nuaih nuaih ta mai thin chu le, an man khawm a, a khabeah hnângin an thil a, zo tawkin an kawt hâwng thin a ni. Uchang sa chu rap chungah dahin an rêp tiar tuar thin. Tûn thleng pawhin uchang chu an la awm a; mahse, leileta an siam tâk hnu chuan an tlem ta deuh.

Bual dil leh a chhehvêlah hian mâk ve angreng tak mai chu Rung dil chhuahsan zâwl an tih mai hmun hniah a awm a. Bual dil nêh chuan dil awmna hmun hlui, tui kâmsan tâk hi hmun li la, hêng zawla an buh chîn hi lei a tha si a, an thar hlawk thei hle thin a ni. Hêng leilet chawm tûr hian a chhak lam sir aângin Buallui an tih chu hnâr neiin a luang bawk a, chu chu duh duha la kawiin Bual dilah hian khawh luhtir a, duh hun huna sah leh mai theih a ni.

Sawi tâk ang khân Bual dil chuan Rung dil a hnar avângin an awm dîn thei lo kan tih kha. Tûnah chuan Bual dil leh a bula Rung dil awmna hmun hlui zawl hi Lalmângtêka unaupa Lallunglenga'n leiletah a siam a, chumi hnuah Lallunglenga fapa Sawivela Bawngkawn ami in a rochung ta a ni. Leilet tha leh pui tham tak a ni nghe nghe. Buh tin 200 bawr chu an thar thin a, a pakhat zawk zawlah pawh hian phur 60 vêl an thar bawk thin.

Bual dil bulah hian lungâlhthei an lai chhuak a, lungâlhthei tha tak a ni nghe nghe a. Engtia tam nge tih hi an la hre mai bik lo a, a dang laih chhuah leh zêl pawh an beisei hle a ni. Tak tak nge ni, lunghlu pawh lai chhuakin tí ti-ah chuan an sawi ve hial a ni.

Editor: Eddie Lalfakzuala (7005269255); **Jt. Editor-te:** Lalrotluangi Zote, RK Lalmuanpuia, Lalnuntluanga, Vanengmawia
Manager: C. Lallianzuala (9862365843); **Asst. Manager-te:** Zodingliana, Lalrinchhana, Lalrinawma
Circulation Managers: PB Lahuapzauva, Samuel Lahlupuia, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

MARYMA	PHEK 3-NA	RN YMA CHANCHINBU
 ZIN & HAW ■ Pi Ramdinthari w/o Vanlalruata Ralte N-Sec. chu Vellore-ah in check-up turin an kal. ■ Pi H.Lalmuanpuii d/o Pu H. Lalthanga C-Sec. chu Kolkata-ah in check-up in an kal. ■ Tv. Rothangmawia leh Tv. Zairemkima, V-Sec. thil pawimawh buaipuia Kawnpuia zin chu an lo haw leh ta. ■ Pi Lalhruaizeli w/o Vanlalchaka N-Sec. chu Lisbon, Portugal-ah a zin. ■ Pu Lalnunmawia, C-Sec. chu a hna thawhna hmun Champhai lamah a kal leh ta. ■ Pi Lalbiakkungi, K-Sec chhungkaw pawimawh buaipuia Kolkata zin chu dam takin a lo haw leh ta. ■ Pi B. Thanpuii w/o Rohmingthanga, T Sec. chu inentir turin Kolkata ah an kal a, a fapa Pu PC Laldingliana’n a hruai. ■ Tv. Lalsawmliana s/o Rualzachhinga (L), S-Sec. chu a hnathawh a hmun Champhai atangin chawlh hmangin a lo haw. ■ Pu R. Lalramhlua s/o Rualzachhinga (L), S-Sec. chu a hnathawh hmun Winchester atangin hna pawimawh buaipui in a lo haw. ■ Pu H. Vanlalhruaia, N-Sec. chu chhungkaw thilah Pangbalkawnah a zin. ■ Tv. C. Ramnunmawia, ECM chu chhiat tawh thilah Zawnginah a zin.  LAWMAWM ■ Magnus Zosangpuia Zote (7years) s/o Isaac Zodinsanga Zote, T-Sec. chuan 22nd Dr. D. Baruah Chess Championship 2025, ni 26-27 June, 2025 a neih zawh takah Under 9 category-ah lawmman pakhatna a la. December a neih tur North-East level Championship-ah Mizoram ai a aw hawn a ni. BA Pass Tharte 1. Lalmangaihzuai d/o Lalmuankima, V-Sec. 1st. Div (Geography) 2. Hana Lalthakimi d/o B. Lalrinawmi, V-Sec. 1st. Div (B.Sc) 3. C. Lalthazuala s/o C. Lalruatdika, S-Sec. 1st Div. (Arts) 4. Jonathan Lalrindika s/o Joseph Lalbiaksanga (L), C-Sec. 1st. Div (Geography)	 DAM LO ■ Pi HC Lalawmpuii w/o B. Lalhmingliana S Sec. chu an in chhungah chesualin a banruh a ti tliak palh hlah mai. ■ Dr. KVL Rochharzela, V-Sec. chu heart attack avangin Ebenezer Hospital-ah admit a ni. ■ Pi Huanhmingthangi, N-Sec. chu Civil Hospital atangin a lo chhuak. ■ Pu L. Chhuanliana, N-Sec. chu hritlang khawsik avangin in lamah enkawl mek a ni. ■ NI. Lalsangpuii Darkim d/o L. Chhuanliana, N-Sec. Nazareth Hospital-a awm chu a lo chhuak leh ta. ■ Pu PC. Lalhmachhuana K-Sec. chu Nazareth Hospital, Chaltlang ah enkawl mek a ni. ■ Pu Lalruatkima , K-Sec. natna hrang hrang vangin Nazareth Hospital, Ramhlun North-ah enkawl mek a ni. ■ Tv. Lallawmawma s/o R Lalmuanawma S-Sec. chu Synod Hospital, Durtlang atangin a lo chhuak. ■ Pu T. Lianzuala, K-Sec. Aizawl Hospital-a awm chu in lama in enkawl chhunzawm turin a lo chhuak.  KOHHRAN ■ St. THOMAS CHURCH : Biak In Kut / Parish Silver Jubilee lawm. St. Thomas Church, Ramhlun chuan ni 6 July, 2025 (Pathianni) hian Biak In Kut leh Parish Silver Jubilee lawmna hun a hmang dawn a. Hemi ni hian Parish chhunga zir chhuak tawh te tan First Communion leh Confirmation dawn na hun siam a ni dawn baw. Jubilee dar vuakna hun hi Puithiam, Sister, Brother, Cate leh Golden Member chin (Kum 75) ten a nei ang. Tin, Jubilee Ruai hi chawhnu dar 3:30 ah chhimtu leh mikhual te tan hnianghnar taka buatsaih tum a ni. Program hman dan tur : 1. High Mass (10:30 AM) Main Celebrant - Most Rev. Stephen Rotluanga (Bishop of Aizawl) 2. Jubilee lawmna/ Felicitation program (1:00 PM) - St. Thomas Parish Hall 3. Musical Night (6:00 PM) - Kohhran Hall ■ PRESBYTERIAN Ramhlun North: Vawiin hian Kohhran Pavalai Pawl ten Rising Day wawi 20-na lawmna RSC Field-ah an hmang a. Nilengin Sport hrang hrang hmangin in tihhlamna hun an hmang. Member 300 chuang an thawkechhuak. ■ THE SALVATION ARMY: Naktuk hi 6.7.2025 (Pathianni) hi Salvation Army Medical Fellowship (SAMF) Sunday ani a, Ramhlun Corps-ah pawh damdawi lam thiamten hun an rawn hmang dawn a ni. ■ BCM : Zirtawp zan atang khan Mission Weekend Programme an hmang a, Pathianni zan thleng a aw h ang. Speaker atan Rev. K. Lalhnehliana, New Serchhip Bialtu Pastor hman a ni. Pathianni zing Inkhawmah hian NI. K. Lalneihpuii chu Sikkim Field-a Evangelist hna thawk turin tirh chhuah a ni ang.	 LOCAL COUNCIL 1. Ui la report lo kan la awm nual niin hriat a ni a, in report hun a pel tawh a. Report loh ui man palh an nih chuan action na zawka lak a ni ang. 2. Vengchhungah Security te zan lamah ngawrh takin an duty zel a, Harsatna tawk kan awm chuan an Primary School office atan an hmang a ni. Security Head Ph. no. 8731073446 (Zuala) hi a biak theih bawk a ni. Office atan Primary School zirtirtuten phal taka min hman tir avangin lawmthu kan sawi bawk a ni. 3. Traffic lam pawh hma kan sawn zel a, kan thu zawm duh lo mi tlem te bak chuan kan thu te min zawm sak avangin lawmthu kan sawi bawk a ni. 4. Security te hlawh tur vengchhungah khawn mek a ni a, kan him tlana tur a ni tih hriaa chhungtin ten phal taka lo pe turin kan inngen bawk a ni e. 5. Mahni in bul street light chhia a awm chuan a rang lamin Local Council hruaitute hnenah hriattir thin tur a ni e. 6. Pawn light te zan lamah On tlaivar thin turin kan inngen nawn leh a ni. Tin, CCTV te a thei theiin vuah theuh turin kan inngen a ni e. Mahni tan mai ni lo thenawm khawveng te tan a tangkai em em a ni. 7. Ni 03.07.2025 khan Project Clean Ramhlun North te chuan Taitesena Section, Zengena Petrol Pump chhehvel tifaian an hnattlang a. Hun remchangah hmun dang dang pawh thian faian hnattan zel an tum. An chungah LC chuan lawmthu a sawi a ni.  PAWL DANG ■ Zangena Petrol Pump Welfare: Zangena Petrol Pump Welfare te chuan AMC-ah thutthleng sei eng emaw zat hlan an tum.  BRANCH THU THAR ■ Central YMA leh MFA in Inter Branch YMA Futsal Tournament 2025 a buatsaih turah RNYMA OB leh RN Futsal Club OB te inhmukhawm chuan hetiang hian organising committee a din: Chairman : Pu Lalrochama, Vice President Vice Chairman : Pu Chawngthankhuma, N-Sec. Secretary : Tv. Rothangmawia, V-Sec. Asst. Secretary : Tv. Lalruatkima, C-Sec. Treasurer : NI. Lalrozaui, T-Sec. Manager : Tv. C. Lalnuntluanga, C-Sec. Coach : Tv. Lalrawngbawla, C-Sec. Asst. Coach : Tv. David Zodintluanga, V-Sec. Member-te: 1. Branch OB te 2. NI. Rosangpuii, T-Sec. 3. Pu Emmanuel Lalmuankima Sailo, T-Sec. 4. Tv. Immanuel Lalthlenglina, C-Sec. 5. Tv. Lalnunmawia, V-Sec. Futsal a tel duh te chu organising secretary Tv. Rothangmawia (7895770373) hnenah inhriattir tur a ni. ■ Central YMA leh UD&PA Veng fai inelna a buatsaih dawn a, inkohkhawmnaa programme ah kan Branch Fin. Secy. Pu Thandinglana leh NI Laldusangi Pachuau, ECM chu Branch aiawhin an kal.

MARYMA	PHEK 4-NA	RN YMA CHANCHINBU			
ARTICLE	Khawl Thluak Nei	ADVERTISEMENT			
- Lalliantluanga Hauhnar , C-Sec. Mizote'n khawl thluak nei ti-a kan sawi chuan COMPUTER hi a kawh nghal run a. He khawl, khawvel khawih danglam tu hi mizote'n kan hmelhriatna a la rei lo hle mai a, kum 1990 bawr chho atâng khan Mizoram ah kan hmelhriat tan a, kan venga a nei hmasa pawl chu pu Jonah L. Pachuau, S/o Rev. L.B. Pachuau te hi ni in, Kum 1991-92 khan khawlehchhut nan an hmang tan a ni. Khawvel a lo danglama Computer pawh a hmanna leh a thil tih theih a lo tam zel a, kut a hum tawh lek te in siam chhuah a ni in, mitin maiin kan lo hum in mihring nun a kil pawimawh tak a lo ni chho ta a. Heng kan mobile phone te hi kum 1969-a Apollo 11 Rocket hmanga thla a mihring kah kai a nih tum a computer hman ai khan a chak tawh zawk a ni. Tûn hma-a electronic khawl pakhat tangkai taka kan hriat thin kha, thiamna leh finna sang zel avângin a thil tih theih a lo nei ta a, chu thil thar chu Artificial Intelligence (Chherchawp Finna) a ni a. Artificial Intelligence hian Computer chu a nihna ang taka mahni a thil ngaihtuah chhuah theihna te, tin amaha data pek luh atânga inzir fin theihna te a lo nei ta a. Chumai pawh ni lovin, thil awm sa ni lo ngaihtuah chhuah theihna nei thei tur khawpa finna nei thei tura siam tumin khawvel a hman hlel a ni. He AI in a tum ber chu Artificial General Intelligence (AGI) -kawng hrang hrang a mihring finna tluka finna neih a ni a, hei hi kan hlat vak tawh lo ni in mithiam te chuan an sawi a. Artificial Intelligence hi kan nunah a tel tawh a, kan hriat loh kârin kan hmang nasa tawh, a heng avâng hian a hman thiam kawngah te, hman sual theih dan kawngah te kan inzir a tul hle a ni. AI peng kan hriat tlanglawn tak chu LLM (Large Language Model) a ni a, computer software zawhna chhang thei leh mi pangngai kan biak ang chiaah a biak theih a ni a. Heng LLM zinga lâk tak chu ChatGPT hi a ni a, Mizoramah pawh he hmanrua hi kan lo hmelhriatin kan hmang tangkai ta hle a. Zirlai te'n an zirlai an hriat thiam loh hrilfiahtu leh an zirlaipuitu ah te an hmangin, Office hnathawk te pawhin office note, lehkhathawn (letter) siam nan te an lo hmanga, hla phuah thiam leh musician te pawn an hmang tangkai thei hle a ni. Kawng tam takin a hman tangkai theih a ni. Heng AI te hi saptaung a thuziak har tak tak te awlsam zawk leh hriatthiam theih turin a siam tir a, a hrilhfiah tir theih a, Pathian thu zir nan pawn thil tangkai tak a ni. Heng khawl thluak nei te hian Laboratory-a test result te leh X-ray report te thleng in a zir chiangin fiah takin a hrilhfiah thei a, doctor te thlaktu ni lovin doctor te puitu leh damlo te tan a tangkai hle a ni. Sap rama an technology hman tho kha helai ah kan lo hmanga, a finna leh a thiltihtheih a in angin, a hmangtu hman dan a zirin a tangkaina a tamin, a tlem thei a ni. Entirman, zirlai thenkhat chuan mathematics homework an thiam loh te a thla la in ChatGPT ah zawhna an zawt a, ChatGpt chuan zawhna chhanna a rawn pe chhuak thei reng mai a, kha zirlai khan a hriatthiam loh hriat fiah nana hmang lo a, kha computer in a rawn tih chhuah ang ang a hmang a nih chuan hmasawwna a nei lo in, thatpui aiin a chhiatpui thei a ni. AI te hi Internet leh hmun hrang hrang thuziak leh document hrang hrang hmanga inzir a ni a, a inzirna, a data a zir leh a technology a zirin chhanna dik tawh lo leh kawng hawi vak lo pawh a pek chhuah thin avangin fimkhur a tha hle a. Tin, AI hmanga video leh thlalak te khawih danglam a awlsam tak avângin mi pawl kan sawi thei tih hria a, IT ACT 2020 hre ran chung a kan hman a tul hle a ni. India rama hmar chhak kil tawp, tuiptui atânga inkalpawhna nei lo (Land Locked) leh Foreign ram changkang lo tak leh rambuaiin a hual reng mai ram a cheng kan ni a. Khawvel hmun dang te ang in zirna tha leh hmanraw tha kan ban phak ah a awm lo a. Amah erawh chu, tûn hnaia technology lama hmasawwna hian nasa takin khawvel dang nena kan inthlauhna kawng a ti zim dawn a, a tha zawng-a kan hman chuan kan ram leh hnam in nasa taka hma kan sawn theihna kawng a ni a, a ni lo lam a chhiatpui zawng a kan hman hlauh emaw kan hmang tangkai lo a nih chuan khawvel changkanna leh hmasawwna in min tlansan mai piah lamah chhiatna kan hmabak a ni.					
KC TUI (10-8) Tui thianghlím, PickUp-in 2,000 litre kan pe thei reng e. Ramhlun North veng chhung tan discount kan pe e. Ph: 7005010327 / 9774223462 SEPTIC TANK Khat & REPAIR Septic tank khat paih leh repair kan ti thei reng a, rate chu inbiakremna a ni ang. Contact: 9612376373 C/o Marina: 9436140350 (5-3) JM SEPTIC TANK SEVICE Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e. Rate inbiak remna. Registration: MRS 542 Contact: 9862476439 / 9436199884 (10-6) SAWMA SEPTIC TANK SERVICE Septic Tank khat paih fai, commode block, pipe fit, soak pit thar siam engkim kan ti thei e. Rate: Inbiakremna Ph: 8119969364 KHIANGTE SEPTIC TANK SERVICE Septic Tank khat paihfai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e Contact - 9862344971 Bawngkawn South (20-6) L.H SEPTIC TANK SERVICE Septic tank paihfai leh repairing engkim kan thawk thei e. Kum 17 chuang experience nei kan ni e. Rate:4500 per trip Ph.6909183193 (30-5) COMPUTER CLASS FREE ADMISSION CCA/DCA December exam turin Free Admission hawn mek a ni leh ta e. . . Free Study Materials. Free PC Hardware Maintenance & Windows/Software Installation. Mon - Fri Class kal hman lo tan Saturday-ah Class a kal theih bawh e. Class timing 7:00am - 6:00pm (Mon-Fri) HI-TECH INSTITUTE OF COMPUTER Zarkawt (Near Traffic Point) & Ramhlun North (Industry peng. Opp. Traffic point) 9862343182 / 9089612701(WhatsApp/Call) E-STAR COMPUTER CENTER (MSCTE Govt' Approved Institution) FREE ADMISSION!!! 2025 DCA -1&2 Sem, July - Dec a zir duh tan Admission a tih leh theih ta e. Contact no- 8731875084/7005421131 PAN CARD ,Aadhaar card download,Employment Registration, Income,Residential leh In hmun hming thlak kan buaipui thei bawh e. ER ZOSANGLIAN BUILDING ZOTE ARCADE 3RD FLOOR NEAR D-3,OPPOSITE NAZARETH HOSPITAL RAMHLUN NORTH JOHAN'S COMPUTER INSTITUTE (JCI) (GOVT. APPROVED INSTITUTION) Near LH Thanga Enterprise, Industry Peng. Ramhlun 'N' Contact No. 7005608874 COMPUTER CLASS (Jul - Dec Session) FREE ADMISSION OPEN COURSES: 1.CCC; 2. DCA 1st & 2nd Sem Timing: 6:30am-8:30am 10:00am-5:30pm 6:30-9:00pm Instructor: C Lalbiaknunga (Nungtea), BE Comp. Sc & Engg. COMMON SERVICE CENTRE (CSC) kaltiangin hengte hi kan ti thei bawh Pan Card Motor Insurance Learner's Licence Tribal/Residential/Income Certificate Indian Passport GST Registration UDYUM Registration Inhmun Hmingthlak (Sales & Gift Deed) Bank Mortgage & Release Lease/Rent Agreement Golden Card eRAM Revenue <tr><td colspan="3">Published & edited by Eddie Lalfakzuala for and on behalf of Ramhlun North Branch YMA. Copies- 1,270</td></tr>			Published & edited by Eddie Lalfakzuala for and on behalf of Ramhlun North Branch YMA. Copies- 1,270		
Published & edited by Eddie Lalfakzuala for and on behalf of Ramhlun North Branch YMA. Copies- 1,270					